

# COFNODION CYFARFOD O GYNGOR CYMUNED LLANENGAN a gynhaliwyd nos Fercher, Ebrill 13eg, 2016 am saith o'r gloch

## PRESENNOL

Robert M. Jones (Cadeirydd), John Gwilym Jones (Is-gadeirydd), Thelma Cordingley, John E. Griffiths, Wyn Griffiths, Gwilym Hughes, Alun Jones, Dylan Llwyd, Erfyl W. Roberts, O. Hefin Roberts, William B. Williams, Cyng. John B. Hughes (Cyngor Gwynedd)

## YMDDIHEURIADAU

Catherine Ll. Morris, R. Phillip Roberts, Cyng. R.H. Wyn Williams (Cyngor Gwynedd)

Croesawodd y Cadeirydd bawb i'r cyfarfod, yn arbennig Cyng. John B. Hughes a oedd yn bresennol ar ddechrau'r cyfarfod yn unig – cydymdeimlwyd ag ef ar farwolaeth ei fam yr wythnos diwethaf.

### 1. DATGAN BUDDIANT PERSONOL

Nid oedd gan neb fuddiant i'w ddatgan.

### 2. CADARNHAU COFNODION

Cynigiwyd ac eiliwyd bod cofnodion y cyfarfod a gynhaliwyd ar Fawrth 9fed, 2016 yn gywir.

Yn dilyn y ddwy eitem uchod, soniodd Cyng. John B. Hughes am yr isod, cyn gadael y cyfarfod:

- i) **Tai Fforddiadwy Cornwall** – prisiau'r tai'n uwch na'r hyn a ddisgwyliid; cysyllta swyddog o'r Grŵp Cynefin â'r Cyngor yn y dyfodol agos
- ii) **Traeth Machroes** – trefnwyd cyfarfod safle i drafod y sefyllfa dros yr haf ar Fai 3ydd
- iii) **ffyrdd yr ardal** – ailwynebu sawl un.

### 3. CEISIADAU CYNLLUNIO

Trafodwyd y ceisiadau a ganlyn:

- |                |                                                                                                                                                                                                               |
|----------------|---------------------------------------------------------------------------------------------------------------------------------------------------------------------------------------------------------------|
| C16/0241/39/LL | Addasiadau i'r eiddo, gan gynnwys balconi, addasiadau i edrychiad blaen yr eiddo a newidiadau i'r adeilad allanol yn cynnwys gosod to brig llechi – Sandbuoys, 13 Stád Llwyn Onn, Aber-soch – <b>Cefnogir</b> |
| C16/0242/39/LL | Estyniadau ochr a blaen, ynghyd â ffenestri gromen a tho – Gwyndy, Cilan – <b>Cefnogir</b>                                                                                                                    |
| C16/0274/39/LL | Addasu rhan o'r eiddo i dŷ annedd – Roslyn, Lôn Roslyn, Aber-soch – <b>Cefnogir</b>                                                                                                                           |

C16/0298/39/LL Adeiladu pwll nofio awyr agored, ystafell beiriannau i'r pwll nofio, ynghyd â strwythur cegin haf yn cynnwys popty 'pizza' a bbq a gwaith tirlunio – Blaen y Wawr, Lôn Engan, Aber-soch – **Gwrthwynebir oherwydd agosatrydd corn simna'r popty at gymdogion – mae'n nes hyd yn oed nag at dŷ'r ymgeisydd ei hun! Gwelediad y gornel – amod pan ganiatawyd y tŷ...?**

[Derbyniwyd copi, er gwybodaeth, o ohebiaeth a anfonodd Cyng. Wyn Williams i'r Adran Briffyrdd yn gofyn a fyddai modd gohirio'r cais hwn oherwydd rhesymau tirlunio a diogelwch, ynghyd â chael cyfarfod safle.]

#### 4. **MATERION YN CODI**

- a) **Toiledau Cyhoeddus – Tyddyn Callod, Aber-soch**
  - i) Trefnwyd glanhau tu allan i'r toiledau yn achlysurol – edrycha'n flêr ar adegau, yn arbennig pan fo dail yn disgyn.
  - ii) Derbyniwyd anfoneb am £45.28 oddi wrth npower – angen ei wirio, gan ei fod bron yn union yr un swm â thaliad olaf Business Gas a chredydwyd y cyfrif â £50.00 wrth drosglwyddo i npower.
- b) **Gwefan y Cyngor**

Nid yw'r wefan yn fyw – angen creu'r ochr Saesneg, yn ogystal ag anfon mwy o luniau a chyfieithu ychydig o'r ddogfennaeth.
- c) **Glanhau Afon Soch**

Ymwelwyd â chyfreithiwr y Cyngor i drafod y mater a chytuna â'r safbwynt bod rhaid cael gwybod yn union ble bu'r gweithiwr cyn talu anfoneb Roberts Ffestiniog. Cysylltwyd â Swyddfa NFU i ofyn a fyddai modd benthg unrhyw ddogfennaeth o'r cyfarfodydd a gynhaliwyd ar ddechrau'r trafodaethau – cafwyd y ffeil (a oedd ar fin cael ei gwaredu, gan fod y mater wedi cau). Cysylltir â Roberts Ffestiniog eto.
- ch) **Cheshire Lamont – Gwesty'r Harbwr/'Harbour Mews Development'/Llwybr Estyllog at lan Afon Soch**

Anfonwyd llythyr ymddiheuro at AHNE Llŷn. Ni lwyddwyd trefnu cyfarfod safle rhwng pawb sy'n ymwneud â'r cynllun – gobeithir gwneud cyn cyfarfod mis Mai.
- d) **Gohebiaeth aii) Un Llais Cymru (ULIC)**

Ni dderbyniwyd llythyr Lyn Cadwallader, Prif Weithredwr yn ymateb i'r gŵyn.
- dd) **Cyfreithwyr Gamlins – Cae Chwarae Aber-soch**

Ni dderbyniwyd copi o'r datganiad newydd i'w gyflwyno i'r Gofrestrfa Tir ar gyfer 20 Maes Awel.
- e) **Wicksteed Playgrounds – Arolwg Diogelwch Blynyddol**

Ni chafwyd cyfle i anfon lluniau at Cae Chwarae Aber-soch hyd yma ac ni osodwyd y darnau ar yr offer – angen dau bâr o ddwylo.

f)

**Cefnogaeth Gorfforol – Her Gwynedd**

Mynychodd y Cadeirydd a'r Clerc y cyfarfod i drafod yr uchod ym Mhlas Heli, Pwllheli; mynegwyd mai gwastraff amser ydoedd, gan na phenderfynwyd yn derfynol ar yr un o'r toriadau – adolygir rhai ohonynt, gan gynnwys dyfodol Neuadd Dwyfor, Pwllheli, eto.

- ff) **Cyng. Wyn Williams – Is-ddeddf Masnachu ar y Stryd**  
Derbyniwyd ateb oddi wrth Geraint Brython Edwards, Cyfreithiwr, yn diolch am gopi o gofnodion Medi 15fed, 2004 ac y cysyllta pan ddaw o hyd i gopi o'r Is-ddeddfau.
- g) **8. Awgrymiadau'r Is-bwyllgor Ariannol**  
Derbyniwyd llythyrau diolch oddi wrth bawb a ffurflen archebu tocynnau ar gyfer Eisteddfod Llangollen – fe'i trosglwyddwyd i'r Is-gadeirydd.
- ng) **9. Gohebiaeth a) Un Llais Cymru (ULIC) viii) Pwyllgor Ardal Arfon/Dwyfor**  
Mynychodd y Clerc y cyfarfod a chafwyd trafodaethau buddiol o ran toriadau ariannol Cyngor Gwynedd a'r drefn newydd o archwilio cyfrifon gan y cwmni newydd.
- h) **9. Gohebiaeth ff) Uned Polisi Cynllunio ar y Cyd Gwynedd a Môn – Cofrestr Newidiadau â Ffocws i'r Cynllun Adnau**  
i) Anfonwyd sylwadau ar yr uchod.  
ii) Derbyniwyd gohebiaeth yn cadarnhau y cofrestrwyd sylwadau'r Cyngor hwn ar y Cynllun Adnau fel rhai a wnaed yn briodol ac y cyflwynwyd Fersiwn Adnau ohono, ynghyd â'r Gofrestr o Newidiadau â Ffocws a'r dogfennau cysylltiedig i Lywodraeth Cymru a'r Arolygiaeth Gynllunio ar gyfer Archwiliad Cyhoeddus.
- i) **9. Gohebiaeth h) Cyng. Selwyn Griffiths – Swyddfa Treth Incwm Tŷ Moelwyn, Porthmadog**  
Anfonwyd llythyr i wrthwynebu cau'r uchod.
- l) **9. Gohebiaeth ch) Cymorth Cynllunio Cymru – Digwyddiadau Hyfforddiant ar Gynllunio yn Eich Ardal**  
i) Ni archebwyd lle ar yr hyfforddiant i Glercod Cynghorau Cymuned a Thref yn Yr Institiwt, Cyngor Tref Caernarfon ar Fai 23ain eto.  
ii) Derbyniwyd manylion cwrs a gynhelir yn Neuadd y Dref Biwmares, nos Fawrth, Ebrill 26ain ar gyflwyniad cyffredinol i gynllunio – neb am ei fynychu.

## 5. MATERION CYNLLUNIO

- a) **Dymchwel Tai yn Aber-soch**  
Anfonwyd llythyr i'r Adran Gynllunio ac at Aelodau Seneddol a'r Cynulliad yn dilyn mynegi pryder am yr uchod. Anfonwyd llythyr at Gareth a Mary Parry ac Anna E. Jones i'w hysbysu o'r hyn a benderfynwyd.

## 6. MATERION PRIFFYRDD

- a) **Biniau Halen**  
Ni ddaethpwyd i benderfyniad â'r rhain.
- b) **Dŵr Cymru – Dŵr a Charthffosiaeth yn dod o 'fanol' ger Bryncelyn Isaf, Cilan, a Than-y-Bryn, Sarn Bach**

Ni dderbyniwyd gohebiaeth bellach am yr uchod er yr addawyd gwneud cyn diwedd mis Mawrth.

c) **Golau Stryd ar Lôn Hawen, Aber-soch**

Derbyniwyd ateb oddi wrth Emyr Williams o'r Adran Goleuo Stryd, a noda nad oes cyflenwad trydan yn rhedeg yn y pafin. O ganlyniad, golygai creu ffos tua 50m o'r golofn agosaf o Lôn Sarn Bach – bwriada ymweld â'r safle a chael amcanbris cyn gynted â phosibl.

ch) **Karen Duggan, Clerc Cyfreithiol – Ail Rybudd Gorchymyn Cyngor Gwynedd (Ffordd Ddi-ddosbarth ger Tyddyn Llan, Llanengan) (Gwaharddiad Trafnidiaeth Trwodd Dros Dro) 2016**

Copi, er gwybodaeth, o'r uchod a ddaeth i rym ar Fawrth 16eg ac y pery am dri mis ond, disgwylir y gellir cwblhau'r gwaith o fewn tua diwrnod.

d) **Lôn Gwydryn, Aber-soch**

Cwblhawyd tacluso'r palmentydd erbyn hyn.

dd) **Lloches Bws Nanhoron**

Gohebiaeth oddi wrth Ifan Lloyd Evans, Technegydd Cludiant Gweithredol, yn dilyn gwneud asesiadau risg ar lochesi bws yng Ngwynedd. O ganlyniad, sylwyd, yn ôl y matrices asesu risg, fod yr uchod yn berygl oherwydd fod y fynedfa'n isel...! Awgryma y dylid gosod arwydd 'Mynedfa Isel' tu allan, gan yr ystyrir anaf i'r pen fel risg ddifrifol; penderfynwyd cydsynio â'r awgrym.

## 7. MATERION HAWLIAU TRAMWY – LLWYBRAU CYHOEDDUS

Ni dderbyniwyd ateb pellach oddi wrth Dewi Wyn Owen, Uwch Swyddog Hawliau Tramwy, na Seimon Jones parthed yr isod:

a) *Shanty, Pen Bennar*

b) *Llwybr 18 – Mynydd Cilan i Garreg Lwyd*

c) *Ffens ger Isfryn, Mynytho*

ch) *Torri'r Llwybrau*

d) *Un Llais Cymru (ULIC) – i) Ramblers Cymru – Ydych chi eisiau gwarchod a gwella'r manau lle mae pobl yn cerdded yn eich ardal chi?*

dd) *Giât Fochyn yn Riffli (Llwybr 12)*

e) *Taith Gerdded Ddigidol*

f) *Llwybr yr Arfordir* – adroddwyd fod rhannau ohono ger y Nant yn wlyb iawn

–

hysbysir yr Adran.

## 8. GOHEBIAETH

a) **Un Llais Cymru (ULIC) – LansioFframwaith Canlyniadau Iechyd y Cyhoedd**

Fe'i cyhoeddwyd ar wefan Llywodraeth Cymru er gwybodaeth.

b) **Llywodraeth Cymru – Cyfoeth Naturiol – Cylchlythyr Rhif 6 – Ebrill 2016**

Copi, er gwybodaeth, sy'n cynnwys diweddariad ar Ddeddf Llesiant Cenedlaethau'r Dyfodol (Cymru).

- c) **Archwiliad Cyfrifon 2015 – 2016**
- i) **SLCC – Cyfarfod Cangen**  
Copi o gofnodion yr uchod (methodd y Clerc â'i fynychu oherwydd annwyd), ynghyd â'r ddogfennaeth a ddogbarthwyd ar y noson gan gynrychiolwyr y cwmni newydd sy'n archwilio eleni, sef BDO o Southampton...!
- ii) **John D. Roberts, Archwiliwr Mewnol – Archwilio Cyfrifon 2015 – 2016**  
Llythyr oddi wrth yr uchod yn nodi ei amserlen i archwilio'r cyfrifon yn Swyddfeydd Dwyfor, Pwllheli – Mai 23ain, 25-26ain – ac y bydd angen cynnal Cyfarfod Arbennig i'w cadarnhau a'u cyflwyno cyn y dyddiad penodedig.
- iii) **Archwilydd Cyffredinol Cymru – Hysbysiad Rhybudd Archwiliad**  
Derbyniwyd yr ohebiaeth heddiw ond, ni chafwyd cyfle i'w darllen yn iawn cyn cyfarfod heno.
- ch) **Swyddog Adfywio Dwyfor – Cynllun Gweithredu Aber-soch**  
Copi o'r uchod wedi'i ddiweddarau cyn ei anfon at Sioned Williams am sylwadau pellach cyn cylchredeg y cynllun.
- d) **Adran Rheoleiddio – Deddf Trwyddedu 2003 – Cais am Drwydded Eiddo – Crust, Uned 2, Yr Harbwr, Aber-soch**  
Copi o'r uchod – angen sylwadau erbyn Ebrill 15fed – dim gwrthwynebiad.
- dd) **Nicholas Alderton – FOI**  
Ymholiad oddi wrth yr uchod, myfyriwr ymchwil ym Mhrifysgol Caerdydd, ar faint o arian y bwriada'r Cyngor ei wario ar ddathliadau 90 oed y Frenhines; ni threfnir unrhyw ddigwyddiad.
- e) **Came & Company – Newyddlen y Gwanwyn**  
Copi, er gwybodaeth, o'r uchod.
- f) **AON Affinity UK a Zurich Town and Parish Insurance**  
Gohebiaeth oddi wrth y ddau gwmni uchod yn cynnig yswiriant i'r Cyngor.

## 9. DYFARNIADAU CYNLLUNIO

C15/1057/39/TC	Tystysgrif Cyfreithloni Defnydd i ddefnyddio hen fwthyn ac adeilad allanol at ddefnydd preswyl – Tŷ Mawr Cottage, Tŷ Mawr, Aber-soch – <b>Caniatawyd TC yn unig</b>
C15/1241/39/LL	Cais i gadw llwyfan bren yng nghefn yr eiddo – Nyth y Frân, Aber-soch – <b>Caniatawyd ag amodau</b>
C15/1257/39/LL	Adeiladu dau dŷ deulawr – Tir ger Cesail y Coed, Llanengan – <b>Caniatawyd ag amodau</b>
C15/1329/39/LL	Atgyweirio a throsi hen adeilad amaethyddol yn uned wyliau, gan gynnwys estyniad bach i'r cefn a ffordd fynediad newydd – Murpoeth, Cilan – <b>Caniatawyd ag amodau</b>
C16/0098/39/LL	Mynedfa newydd a chreu rhodfa i gerbydau – Tir ger Hendy, Aber-soch – <b>Gwrthodwyd</b>

- C16/0106/39/LL Dymchwel cwt glan môr presennol a chodi un newydd yn ei le a llwyfan cysylltiedig – Cwt Glan Môr 18, Borth Fawr, Aber-soch – **Caniatawyd ag amodau**
- C16/0128/39/LL Diddymu Amod 8 ar Ganiatâd Cynllunio 2/19/443A ac Amod 1 ar Ganiatâd Cynllunio 2/19/443B sydd yn cyfyngu meddiant o’r eiddo i berson lleol – Crud-yr-Ewyn, Sarn Bach – **Caniatawyd yn ddi-amodol**
- C16/0137/39/LL Estyniad unllawr blaen, estyniad deulawr ochr, newidiadau i’r porth ac addasiadau – Y Fras, Mynytho – **Caniatawyd ag amodau**
- C16/0164/39/LL Modurdy ar wahân i’w leoli o flaen yr eiddo – Carrog, Aber-soch – **Caniatawyd ag amodau**

## 10. CADARNHAU TALIADAU A DERBYNIADAU

### Taliadau

Cadarnhawyd talu cyflog mis Ebrill a chostau gweinyddol (Ionawr – Mawrth) y Clerc (Rh/S 001992 a 001988), ynghyd â’r taliadau a ganlyn:

- a) Datrys – £1041.48 (Rh/S 001985 – (Archwilio Tir Glan yr Afon)
- b) Cyngor Gwynedd – £305.94 (Rh/S 001986 – Gwagio Binau)
- c) John D. Roberts – £65.00 (Rh/S 001987 – Archwilio Cyfrifon 2014 – 2015)
- ch) Adran yr Urdd Mynytho/Pwyllgor Rhieni Ysgol Foel Gron – £100.00 (Rh/S 001989 yn lle 001954 – Cyfraniad)
- d) Cyngor Gwynedd – £680.40 (Rh/S 001990 – Treth y Toiledau)
- dd) Griffith, Williams & Co. – £89.44 (Rh/S 001991 – Gweinyddu Cyflog y Clerc)

### Derbyniadau

- a) Arian Mynediad y Toiledau – £152.65 (£32.20, £36.60 ac £83.85)
- b) Mrs. Laura Goodman Jones – £16.00 (Rhent Cae’r Plwyf, Mynytho)

## 12. DYDDIAD AC AMSER Y CYFARFOD NESAF – CYFARFOD BLYNYDDOL

Nos Fercher, Mai 11eg, 2016 am saith o’r gloch